

Recto:

1. תקדמת כתבי אליך [יא] ולדי אטאל אללה בקאך ואדאם
2. סלאמתך ונעמאך ול[ם] ארא לאחדאהא גואב ועז דלך עלייא
3. שהד אללה כתיר כתיר ומ[א] כאן קט צני פיך הדא חתי לא כתאב
4. ולא סואל ומא ענדנא כ[ב]ר אן צחיח ממא אנת פיה וקלובנא
5. וחק אל[קד]ס ענדך וואלדתך . . . עינהא נצף דאנק ותטלב מן ענדך
6. כ . . . מא תעלם מא . . . יה והי וגעה מבדדה מא להא שי לא
7. . . תתוטא ולא . . . א ולי לי אנא שי אנפקה עליהא ולא
8. לאכי[הא]? פא[נה] צייק אלצדר עטים מן קלה אלמעאש ולו כנת אנא
9. מע[ך פי]? אלדכאן עסי כאן יכון חאלה אצלח מן הדא לאן מן קבל אן
10. . . . . מן מצר מא טלעת ללדכאן לאן אבו נצר אכוך מא
11. . . . . צעב עליה אלכ . . . ב . יתחול פי בית כאלתה קאל ננפק
12. פיהא דינארין תלתה ונתחול פ[יה] ופתק עליה(?) פיהא עמארה
13. אן כתירה ואלי אליום מא פרג מן עמארתהא אד יגד אלחיטאן . .
14. . . . . צארת נכאלה ואחתאג תגליקהא ומד(?) מעה ללימ . .
15. תלאתינ דינ' זאיד נאקץ ומא אמכני אן אתרכה ולא אעאונה אללה
16. תעאלי יכלף עליה בכיר וואלדתך יאבני וחק אלקדס וגעה וגעה כתיר[ה]
17. והי דאעיה לך פמא אמכנך אן תסאעדהא . . . תואב אן תפצל[ת]
18. מעי ומעהא ואנא אעלם יא ולדי . . דות . . אכתר מן הדא אללה
19. תעאלי דכרה יסמענא פיך כבר אן נסר בה ובאללה עליך יא ולדי
20. לא תתרך כתאבי מן ידך חתי תכתב לי גואבה ולא תחתג אן
21. טריק מנקטעה אלנאס מארין כל יום וגאיין מן ענדכם פי אל
22. בר פאיש מא סהל אנפדה לדכאן אלממחה או לדכאן אבו
23. נצר אלעפצי פהו יצל אליהא וכץ נפסך באתם אלסלאם ואבו . .
24. אזהר(?) באלסלאם וואלדתך תכצך באלסלאם וגמיע מן תשמלה ענאיתך
25. . . . . שלום

Verso:

1. לולדי العزيز(?) عندي ابي البركات سموال . . .
2. اطل الله بقاءه وادام سلامتہ . . .